

De Bondesrot Egli de het ned möge warte  
bes em de Wert em Tessin de Wy bringt ond d`Spiischarte  
ich wösst em es Lokal wo ner of de Service nömm müesst warte  
z`Vellnachere hende gets doch d`Villa Bonaparte

Söll ich min Frönd wo z`Aarau Polizescht esch hürote  
froggt me e Bekannti du ich hanere abgrote  
ha gseit be dene weisch ned öb`sis ned probiere  
ond e de ganze Wohnig Wanze enstaliere

De Baghwan de esch out met allne sine Sönde  
doch jetz düeg d`Frau Bondesrätin Kopp e Seckte grönde  
sie heig scho paar Chilene jo so frommi nätti  
wo z`Seebach e de Chele för sie bättid

Sed em Marc Surer chorz vor Schloss vo jedem Renne  
de Wage e Flamme ufgoht ond lechterloh duet brenne  
het er en Top Job bem Militär dene grüne Frönde  
wenn die Wörscht brötle wänd dörf er go de Wald azönde

E mim Kolleg händ zwe Tschugger z`Wien em Floghafe onde  
s`Gepäck dorsuecht ond händ sächs Fläsche Östricher Wy gfonde  
jetz hockt de Arm em Knascht ond het noned verchraftet  
das me en do het als Terorescht verhaftet

De Reagen ond de Gorbi läbe z`Gänf gedege  
doch was Sie gred händ zäme das händ`si eus verschwege  
ich fend dromm s`Bescht esch gsi am Träffe vo dene Beide  
das d`Nancy ond d`Raysa eus ehri neu Mode händ chönne zeige

Mer gots schlächt ben ofem Hond de Schloff de duets mer raube  
gseh lutter Bäll ond Netz ha wiissi Streck vor Auge  
min Dokter het mech ondersuecht ond gseit mein Lieber  
Sie händ ganz eidütig s`Boris Becker Fieber

Föifevierzgtuusig Stei düend d`Riniker versoue  
damets bem Märkihuus no chönd e Garage boue  
jo met dem Gäld hät`mer chönne hät`mer welle  
bem Hersche Ombou no es Parkhuus anestelle

Es Loch es Loch es Loch es Loch e huffe Löcher  
es Loch es Loch es Loch jä Löcher noch ond nöcher  
es Loch es Loch es Loch ich fang a flueche  
well set`ere Halbstonnd duen ich z`Rinike d`Hauptstross sueche

Ich hät die gröschti Loscht en Tag lang mol em Freye  
z`Rinike alli Wänd ond Muure go z`bespreye  
ond wörd ich denn verwötscht denn hätti velecht schwein  
ond ich chiem z`Rinike en Kulturverein

Wotsch du am Mengtig Zobe en Hersche das esch de Hammer  
denn muesch e Halbstonnd Schlange stoh es esch e Jammer  
wos weder einisch sowit esch ghörsch eine säge  
de Stau vo Härkinge das esch ä Dräck degäge

Hött Zobe sufft en jede was er mag verliede  
den mer möchte möglechtscht alli lostig bliebe  
wo do er Beiz en send ond die wo warte em Freye  
den de Zischtigsclub de chömi schiends live cho dreye

*Der Komedi<sup>86</sup>*

Wänd er me bsueche? Ich be dehei onder „[www.komedi.ch](http://www.komedi.ch)“